



Senin, 01 Maret 2021
Ogen: Lukas 18:1-8



Meseksek Mindo



Sada kata persinget si ibelasken kalak pentar eme *'Kelemahan terbesar kita adalah bersandar pada kepasrahan. Jalan yang paling baik menuju kesuksesan adalah selalu mencoba setidaknya satu kali lagi'*. Payo, kalak si pasrah eme kalak si pesimis, minter talu, patah semangat ibas ngalaken tantangan. Adi e sijadi gelementa eme kelemahen si mbelinna. Ibas dampar sideban ituriken dalam menuju kesuksesen eme petembil ras sindai, arus kepe iulih-ulih, sekali nari ras sekali nari. Icubaken ras iperjuangkan. Adi siinget turi-turin geluh Kolonel Harland Sanders ibas erbage perdalanen, erdahin sebage kuli bangunen, tukang parkir dungna jadi tentera i kirim ku Kuba, pensiun ngandalken gaji la bias. Dungna jadi pemadam kebakaren kereta api janah terakhir icubakenna erbinaga ayam goreng si seh genduari terkenal Kentucky Fried Chicken (KFC)

Bageme renungenta paksa enda nuriken kerna sekalak diberu balu-balu si tetap meseksek ndahi sekalak hakim guna ndungi perkarana ras imbangna. Situhuna labo nggit hakim e nampati ia ibas perkara diberu balu-balu enda ndai. Erkiteken tetap iulih-ulihina lalap dungna idungi, ipejore hakim e atena perkara na. Amin tujunna gelah ola nai iganggu diberu e ia tapi erkiteken meseksek diberu e tetap mindo seh me sura-surana, rulih ia. Enda me kesuksesen diberu e, amin banci saja secara meteri ras kepentaren la lit ibas ia ngadapi imbang ras ndatken penampat ibas hakim si la adil ras bujur, kelebihanna ibas ia la leja-leja ndahi ras mindo man hakim ndai.

Pengalamanen diberu enda, rikut perumpamaan siibahan Jesus ngajuk kita tole ngidah maka lit upah meseksek. Mari ibas kerina situasi geluhta, simotivasilah dirinta alu tetap semangat, ula bosan, pasrah, pesimis ibas kerina kecibal geluhta. Ngalaken tantangan si atena naluken kita ibas ersura-sura.